

賴古堂集卷之八

浚水周亮工櫟園著

七言律

四年七夕詩

丁亥侍叔父酌秦淮同張淑士舍弟靖公
分得田字時隣舟有盲女枇杷聲

星河雲影澹相連桃葉依然舊渡邊盲女枇杷天
寶事羈人詞賦帝京篇寧知此會爲何夕剩有新
愁入去年始信情根堪萬劫鵲橋今古不桑田

戊子在榕城飲說餅堂同馮伯宗賦

心驚此夕醉殊方卮酒遙分銀漢光莫惜月明歌

水調可憐花落舞山香小樓客卧溪雲紫野寺僧
尋樹葉黃頗欲寄愁天上去却愁河畔不勝常

已丑佟懷東齋中分得麻姑降蔡經家

歸心一夕滿江鄉梧葉平飛客思涼我輩惟當學
狡獪神仙亦復嘆滄桑未能控鶴分麟脯願見牽
牛渡鵲梁高會旣終雲影隔星河陸海路空長

庚寅予重入閩懷東甫出關相值拓浦飲
懷東旅中

卮酒荒城萬綠間新逢往事一開顏依然作客空
歸里若爲懷君更入關良會人間難更與微情天
上竟須刪瀟瀟南浦樓頭雨濕盡江郎夢裏山

署中別羅星子胡元潤

烏龍江上送行船丁水南頭羽檄連

汀水起自南方故從丁與

劍津丁字水異

客到遐方猶怨別身驅瘴海更宜遷百年

半逐烽煙老萬里新攜冰雪旋累爾遠來無可慰

松風棚下蜜丸鮮

荔枝名蜜丸者小而無核勝画楓亭皆不及也此種即閩人亦

不多識予在閩數載僅一遇云

西禪寺畱別

微軀未敢厭烽煙祖帳羣公盡大賢跼足百年迷

畏路酸心幾處醉離筵溪秋野寺黃花酒小雨洪

塘白板船初服即今猶未遂誰能容易學逃禪

甫自北還即有汀行舟中寄呈家嚴慈并

與開也兄靖公弟

汀水南流燧火催灘聲曲曲九龍隈孤舟更向千
山發薄命誰憐萬里回不識當前皆虎豹遙知起
處是風雷岐途踪跡殊難定忍使親心逐處猜

示裴生符剖

聞聲幾度見何曾亂後相思意莫憑海內風流全
黯澹汀南詞賦爾陵嶒爲園廢圃難容自穫稻礲
田盡餉僧詩過越州應更好傾囊就我話秋燈

裴園

名客自舊
有越詩

朱竹

初但求之楮穎間頃與伯宗過劍津西山
數頃琅玕丹如火齊乃知此君亦戲著緋

同伯宗各
賦二首

高情直與晚楓隣
傴舞安知醉有辰
舊族傳爲絳
縣老孫枝近作赤
城人
瀟湘淚盡終餘血
淇澳花
繁不是春
曾在龍門柯畔立
支離更見麴中身
亂擗桃花映客醅
斜批鶴頂間青蘿
翻新競比紅
兒曲截笛畱吹赤
帝歌
酒醞空城光未定
冠裁薛
縣色全訛
遙看巖下爛
編處或是秋
溪相葉多

長汀舟中有感時
家嚴慈在白下妻孥在

榕城

窮巖絕壑盡烽煙
鳥道遙看庾嶺連
幾處夢魂明
月路一林楓相夕
陽船卽教白下書
能寄那識榕

城客更遷此地西通章貢水歸心日夜大江邊

杭川舟中懷陳階六

白下能來信復虛淮南閉戶意何如衣裁薜荔凌
霜晚句綻芙渠映日初昨夢儼然千里駕前歸亦
只數行書畫船贈我看秋水略記離觴四載餘

階六期予於吳門不值比相期於白門復
不果來舊以畫船贈予予顏之曰就園

自清溪返杭川諸子衿有以詩文相質者愧

賦一詩謝之

臨汀戈戟日紛紜堅抱殘書未忍焚戶外遙投人
則遠車前負鬻意空勤慙予到已成輕薄問爾來
何所見聞十載烽煙儒服賤誰能相對不慙慙

與同里諸子飲李遂臣海棠下遂臣出北釀
醉客

芙蓉夢冷大江濱
笛外垂楊近有隣
草閣畱人懷舊雨
溪巖引客慰殘春
中原路近歸無地
冀北書遲泪滴巾
酒酌故園齊俛首
不知花發幾回新

懷京口劉長公長公自太末偕余至須江談
三日夜視予度嶺始別去

曾過太末望龍嵒
密雨疎巖小艇中
入世不妨傳客傲
注書若肯許予同
每因朗月思玄度
豈有清流憚惠風
戶外轍溪須早辟
莫教釜熟問梁鴻
夜登杭川城樓有感四首

秋老滄溟夜舞鯨依然刁斗舊時聲艱虞剩有囊
書坐飢餓慙看負楯耕象洞雲迴迷鳥道龍巖雨
過認獠城郊垌半是槃藍侶十載汀南未罷征

盤瓠

之餘錯處於虔漳潮
之間以槃藍爲姓

落日荒城滿目秋轅門檠戟未全收方從計吏聞
賁素更倚元戎學挽彊画角數聲人俯堞烽煙幾
點客登樓書生願賦從征樂闌外休輕萬戶侯

砦前新月學弓彎子舍雲邊未肯還永夜濤聲三
摺水孤城秋色七峰山都人擁樹曾同鳥畚客編
茅別是蠻異土臨風須自慰親心萬里苦相關

汀治

初造砍大樹千餘其樹皆山都所居山都有三種
下曰猪都中曰人都其高者爲鳥都卽如人形而

與小男婦自爲醢偶猶都皆身如猪鳥都人首能
言聞其聲不見其形人都或時見形當伐木時有
術者周元大能禹步爲厲術以左合赤索圍木而
砍之樹仆剖其中三都皆不能化執而煮之於鑊
內

漁磯野火夜相望冷露涼颼起素商馬首衆山連
庾嶺城南一水過潮陽荒岑尚有金銀氣廢圃空
聞橘柚香莫爲無衣頻作賦炎方十月不爲霜

杭川城上有懷樵川鄭胎聖朱壁符張龍玉
杭川北望舊樵川復嶺遙看燧火連載向兵戈尋
舊侶不堪風雨憶當年五更夢斷寒雲外千里書
來落照邊聞道萑苻今已靖諸君詞賦正翩翩

杭川署中哭張崧瞻

初傳消息過樵城弱骨憐君嶺上行羽檄猶能通
近况危途那復話平生驚心海嶠常多癘痛哭汀
南未罷兵不信梨關相望處搖搖風雨濕丹旌

守樵川時聞君自江右冒險入杭川從羽檄
中得音問此予自北返乃值君樞於梨嶺

白骨秋原泣苦辛西川門外往來頻蠻鄉獨重生
還客好友應憐後至人結伴蛩聲猶絮舊經扶蕉
葉更懷新十年風雨三千士吹盡東陵陌上塵

裴符剖自清溪以新詩來質時予已發杭川
邂逅中途喜賦一詩

若爲琴岡舊雨催驅車已見白雲隈巖邊舫自塢
中出句裏人從意外來但慰城狐歸幸早不妨棹

返見方纔道旁絮絮衷難罄疎竹寒梅冷自猜

次館前驛念已與臨汀諸君子別黯然久之
蒼玉亭前夕影移鴛鴦橋伴客心悲頻營僻事期
來夢更引溪卮尚有思里鼓初鳴啼鳥墜簷花欲
落暗蛩窺搖搖古驛衷難定始信鄞江易別離
清溪遇高澄甫卽送其南歸計予別澄甫於
白浪河時遂十年矣

兵戈歲晚不教休岐路爲君未到憂舊夢圍中驚
白浪貧交亂裏上清流殘燈笑語全如寐襖被倉
皇遂是游容易能還鄉里去寒家亦在石城頭

林得山同次君孔碩招過嵩山草堂看梅得

曾字

退耕老子倚青藤送客畱予意頗矜良會亂中能
幾與好山屋後已全登迎卮月滿人無奈著樹花
繁雪未曾薄醉長齋家自度一門詩思冷如僧

得山

與次君俱長齋
禮天竺先生

引客花間醉首楞先生靜飲學爲僧寒花若爲羈
人發少室疑從故里登酒盡柴門看爾閉月明杖
履傲予曾堂中四載還耕約葬硯燒書總未能

退耕

堂看菊今
四載矣

南溪陳克興以所著詩文見示賦此奉贈克

興著有車塵雜述

青霞笠子白雲裳敗硯殘書意莫當三面環城丁
字水百年閉戶午橋莊雄文每自刪中駟國老空
傳養上庠車底餘塵誰與拭蕭蕭白髮更清狂東溪
五派南流至劍潭合流而下
有丁字水之呼又名南溪

聞馮伯宗下第

易地陳書更未空霜風倦客足人思還家強忍登
堂淚隔嶺空傳感遇詩頗以忘情安友念猶能抱
子索親怡十年放逐歸途晚憶爾慚非鍛羽悲
再過遯園贈米澹菴

高枕農書老泌園違時踪跡竟忘言雖閒亦有桑
麻累卽夢無過竹石繁拂楮煙鬟羣意醉就僧禪

笑兩眉軒橙花落盡誰相問此是城南杜五門
五環溪上紫雲籬扶老閒攜意所之樗社留賓常
被肘豆棚說鬼一軒眉情閒琴欲同山響懶習經
忘與歲治自是君平從世厭頽然吾未信公癡
予以庚寅冬日出臨汀壬辰夏日再至鐵嶺
是爲臨汀界不獲見八邑諸同人黯然久
之賦此寄懷黎媿曾宣巖諸君子

樓林高下水潺湲曾住汀南一月還倦客重來新
白髮故人無恙舊青山羈心欲續秋冬際狂態誰
爲伯仲間未敢再過鐵嶺去危時淨侶頗相關
刺桐花發路漫漫羣盜縱橫會面難故里惟求萬

一夢好山無奈再三看
畱髯送客心空醉
淬劍焚書意不酸
胃足迷陽何計撥
詞場爭似戰場寬

庚寅在杭川賦詩寄懷樵川諸子頃乃復至

樵川竟歲廻環曾無定跡再疊舊韻却寄

杭川諸子

樵川南望舊杭川
磧裏烽煙歲歲連
偶上層樓新索莫
閒披小句舊纏綿
亂中踪跡全無據
何處雲山不可憐
冷夢時過劒水去
月明又泛九龍船

樵川

入汀順流至劒津復
逆流而上至九龍

張瑤星寄札并得友蒼開士近詩

錦囊綠字伴青萍
棄去柴門但自扃
世上空傳高

士傳案頭久失淨名經良書獨許隣僧附好句聞

招野鶴聽莫話當年塵土夢松風閣下雨溟溟

松風

閣在雨花臺畔瑤星讀書閣上久與世隔

粵客過延津將往秣陵

百角樓頭倒玉缸酒龍夜舞雨淙淙珠來合浦光
無盡劍到延津氣欲雙五載嵐煙迷越嶺六朝草
色醉吳江如子獨戀離支好不買橫塘白板艤

陳章侯繪磨兜堅見寄感其意賦此答之

論交君自邁風塵小幅兢兢寄所親愧不垂簾同
木鶴何妨張口貌金人顧銘頗覺蠅難茹屢悔空
教駟在脣他日青藤山下去囂囂對爾莫相嗔

三至蕉堂

亦愛吾廬倦可栖
殘書又向萬山攜
何常蕉葉聞雷長
漸覺黃楊遇閏低
四月橙花香滿郡
六年客夢冷千溪
故園未必能重過
依舊高樓聽鼓鼙

將入清漳畱別佟漚白宋轅文郝敏公諸君

子

何能斫盡荔枝香
灘水西飛返故鄉
十指全傷猶代斲
六年不去類投荒
秋風襆被榕城路
明月牙旗海上航
莫訝溪山行易盡
閩南地更有清漳

清漳城上感懷四首同唐肯堂作

殘城日落起悲笳
百道旌旗複嶺遮
黑箐吹塵迷